

歷代名人年譜

歷代名人年譜

(一)

吳榮光編

國學基本叢書

陳序

譜牒之學，防自大戴禮帝繫篇。其後有世本，書缺不傳。然其軼時時見於他說。太史公讀牒記，黃帝以來皆有年數。采爲五帝本紀，又以成三代年表。十二諸侯年表，秦楚之際月表，漢興以來諸侯王子侯者將相年表，桓君山謂其旁行斜上，蓋效周譜。然則古譜牒雖不傳，得史記猶存崖略。宗是學者，前代袁氏有彙編之輯，近則四明萬氏有甲子會考。但萬書專取甲子，意不在紀年。袁氏徵引博矣，然於正史頗多滲漏。稗官時復闖入，讀者猶有憾焉。夫紀傳所以載一人之事實，詞核而義詳。書志所以表一朝之典章，文賅而旨博。獨譜牒一門，則條舉而件繫之，義取簡明，不得務爲縱橫馳騁之說。而以議論雜乎其間，合上下千百年，臚舉其國之所以廢興存亡，與夫建都之遷徙，分爵之異同，并其人之若事若官若爵若諡，俾一舉目而得其衣冠族姓之詳，人物臧否之故，則非讀史之深，而用力與心之專且壹，必不能知之。而且條而貫之者也。南海吳荷屋中丞，酷嗜經史，老不廢學，嘗輯筠清館金志一書梓行。復手著歷代名人年譜藏於家。其書起漢高祖元年，迄國朝道光二十三年，區分類聚，剖爲十卷。復附存疑及生卒年月無考者爲一卷。蓋本史公年表縱橫之例爲書，其紀元以大一統爲正，而割據僭號附焉。洵得涑水繫陽之通義。春秋月以繫時，時以繫事，因撮舉帝紀之要，舊萃史家列傳載記之言，芟繁就簡，約爲時事，敘而不漏，末乃系名人生卒年月及其諡法爵號，前後鱗次，若網在綱，又以補夾漈鄱陽所未備。斯誠讀史之津梁。

而譜牒之要訣矣。夫史以紀成敗，考見得失，二十四家，浩如淵海。儒者讀其書，不能博究始末，卽有文人學士，亦取瓌奇偉麗之文，受而讀之，而能徹始貫終，搜括靡遺，成一家言者，蓋未之見。又況譜牒之學，自周以來，已孤行而莫之或續者乎？是編未竟時，阮儀徵夫子嘗爲之序，旣而中丞此書成，而此序散佚，尋不復得。咸豐紀元二年，其詰嗣辛寅工部覆校，屬余補序。余喜其書之有裨於世，而足與史編相爲表裏也。於是乎書。晉江陳慶鏞識。

張序

歷代名人年譜十卷，存疑一卷。南海吳荷屋中丞之所著也。中丞淵襟曠曠，天才傑越，賦事之暇，靡間披翫。先秦而上，命氏蓋寡，其有述綴，斷自漢始。沈繹默識，營茲約秩，羣書筦輟，涉目斯獲，簡矣核矣。宏益博矣。夫人含陰陽之精，苞二曜之靈，上駢桑林，厥畀維均，機旨殊驚，霄壤夔絕，回魄萬古，然疑之案多端，烟燭百族，升降之術靡一，自非良史，孰能極貌聲采，殫狀風趣，爛然炤列，作程遐世者乎。然而授簡鬚鬣，皓首癡癡，學者牛毛，成者麟角，椎言梗略，蓋誠難焉。春王周正，紀元攸尚，魯再失閏，非禮示貶，履端歸餘，縱標彝憲，辰見駟伏，易越恆軌，義和昆吾，其詳久軼，周脾宣夜，絕學茂廢，仲任水火之辯，君山卯酉之對，寂寥千載，杳杳懸合，其難一也。白雀神廳之誣，唐嘉龍飛之僭，斗絕一方，竊號自娛，彈丸蕞壤，士鮮縈囑，其難二也。嚮儒祀學，經戎肆武，劭農寶穀，豐泉阜化，翹延幽滯，威懷荒逖，爲茲宏綱，隱司國體，隆污之所桴契，廢興之所燁疾，善談欲析，啓於緣起，其難三也。鑄碧宮絕之囁，沈冢縵曲之泐，偉額潛文，貞趺逸製，雖幽翳剝蝕，而虹蜺斑炳，鉤觚經典，往出意表，侯碑公碣，罕易探涉，其難四也。青陽夷鼓，軒世之受姓，條徐蕭勺，周初之分族，逮乎春秋，陵微已甚，而荒裔來朝，尚述金天之冑，列卿酬答，遠溯篆龍之緒，司商所協，斤斤於此，晉宋六朝，猶明宗牒，戎羯雲擾，遂糅蛟蚪，五代通譜，朱紫彌紊，其難五也。何羅更莽，子響易蛸，拂經抗命，炯誠將來，至於棘子之族，迺爲棗據，山甫之允，爰有種鬲，步搖名冠，而慕容以氏，禿髮字被，而

鮮卑析落，點畫訛滅，音韻諧舛，椒衍條蔓，良以多惑，其難六也。張衡徂逝，轉爲蔡邕，羊祜襁褓，徑讀李氏，介推火化，而相荆蜚績，毛遂水厄，而抗秦延譽，曾參南北，而慈母投杼，秋胡今昔，而霍公昏絕，循名甄實，還焉風馬，其難七也。丹陵鑿堯，翠娥證舜，墨胎之證夷齊，管晏之證平敬，談文子者，偶忘其貞惠，誦武公者，或逸其睿聖，至於公閭紕互，離荒以糾，歷休文狙覆，證隱以揭，過柴桑棲靜，而禽頌靖節，華陽湛寂，而私議通明，令德脛聞，茲焉涇渭，白虎通論，言筌而已，其難八也。藍箴名尹，金水置曹，不更庶長之號，嫖姚戊巳之屬，儀同特進之秩，散騎柱國之職，銀青金紫，代有建革，至於天鳳地皇，眩亂羣牧，龍朔光宅，嬾徙百爾，王戎甲午之制，崔亮停年之格，時際權宜，神無定矩，其難九也。實沉作鄂，用以紀歲，黃昏人定，據以驗時，古無甲子博稽益信，至於鐘石革韻，煙雲異色，鍵戶而守漢臘，著書而沿晉曆，存沒年月，亮節闕焉，論世知人，低徊孟氏，其難十也。昔者昭懷屈景，蟬燭子長之記，張朱顧陸，駢侶義慶之說，三狐五馬，常璩采其軼志，懷章蛇李，張鸞標其僉載，均畫以方隅，罔規通檢，長淮讖王，濁潁謠灌，社光啓應，門瀆資穆，銅川六世，蠡尚於隋代，壯武八葉，欽睇於梁祖，翠珮輝暎，蟬冕銜襲，雲搏水擊，率多鼎閥，而王宏綿眇，守素淹寂，摘纖挾祕，故能之者鮮，夫病其難而不知設其術，則經緯之才疏矣，思其術而不克尋其紕，則耽研之功浮矣，是篇萌芽炎漢，下迄國朝，事以腰年，人以腰事，縱橫井竅，羽翬鱗獵，攝赤珠於驪淵，導鴻源於星海，繁而不雜，略而不滲，以眎班固之所等差，荀況之所鉤校，士廉之所排輯，敬宗之所咨述，蘭絮接翼，

球笙叶響。思力練該。一至乎此。不佞雅同里閭。綢繆肺附。緬窺紺素。藐覲前詰。惟是楚相名閥。遽爾負薪。梁臣今集。淒其履葛。碩編祕笈。淪忽滋懼。爰爲刊訛傳漏。蒐綴脫佚。勤購槧人。俾閱懸尙。炯幽室以博炬。祛末學之未寤。陟玉岑而弗迷。臨珊瑚而逕度。若夫瓊姿琦質。曠代之逸。目焉乍經。成歸於口。全史標藏。非所及也。光緒元年二月。鄉後學張蔭桓。

歷代名人年譜目錄

第一冊

卷一

漢高帝元年至魏文帝黃初元年

卷二

蜀漢昭烈帝章武元年至宋順帝昇明二年

第二冊

卷三

宋順帝昇明三年至唐睿宗太極元年

卷四

歷代名人年譜 目錄

唐玄宗開元元年至唐昭宣帝天祐三年

第三冊

卷五

唐昭宣帝天祐三年至北宋仁宗嘉祐八年

卷六

北宋英宗治平元年至南宋高宗紹興三十二年

第四冊

卷七

南宋孝宗隆興元年至南宋帝昀祥興二年

卷八

元世祖至元十七年至明英宗正統十四年

第五冊

卷九

明景宗景泰元年至明莊烈帝崇禎十七年

卷十

清世祖順治元年至清宣宗道光二十二年

附錄

存疑及生卒年月無考者

歷代名人年譜

卷

紀年	時事	生卒
前漢 漢高帝元年。 名邦。○諱邦曰國。○葬長陵。 楚義帝元年。 西楚霸王元年。	冬十月，沛公至霸上，入咸陽。蕭何先入秦丞相府，收圖籍藏之。○沛公與父老約法三章。○項籍詐阮秦降卒二十餘萬於新安。○四月，漢以蕭何爲丞相，追張良歸韓。○七月，西楚殺韓王成，張良復歸漢。	
乙未 漢二年。 是年閏月乙亥朔。○自太初未改歷以前，閏皆在歲末，謂之後九月。 楚二年。 西楚二年。	十月，西楚霸王項籍弑義帝於江中。○十一月，漢立韓王孫信爲韓王。○三月，漢以陳平爲護軍中尉。○漢王至洛陽，爲義帝發喪。○四月，項籍破漢軍，以漢太公呂后歸。○漢王遣隨何使九江。○漢以韓信爲左丞相。	

歷代名人年譜

前漢

一

西丁 漢三年。 西楚三年。	十二月，隨何以九江王黥布歸漢。○漢遣酈食其立六國後，未行而罷。○四月，楚圍漢王於滎陽，亞父范增死。（年七十二，生於周赧王四十年丙戌。）○漢王遣酈食其說齊下之。	陳餘卒。
戊戌 漢四年。 西楚四年。	十月，漢韓信襲破齊，齊王烹酈食其，走高密。○七月，漢立黥布爲淮南王。○八月，漢初爲算賦。○漢以周昌爲御史大夫。	
亥己 漢五年。 是年閏月戊子朔。 西楚五年。	二月甲午，漢王即皇帝位於汜水之陽。○以季布爲郎中。○以齊人蒯敬說遷都長安，拜敬郎中，號奉春君，賜姓劉。○張良謝病辟穀。○後九月，治長樂宮。	西楚霸王項籍卒於十月。（年三十一，生於秦始皇十五年己巳。） 張耳卒於七月。 田橫卒。
子庚 漢六年。	始剖符封諸功臣。○徵魯諸生三十餘人。○曹參爲齊相國。○令博士叔孫通起朝儀。五月丙午，張師帶劍。	
丑辛 七年。	十月，長樂宮成。○封陳平爲曲逆侯。○二月，帝至長安，始定徙都。○置宗正官。	劉朱虛侯章生。 公孫宏生。 賈長沙誼生。
寅壬 八年。 是年閏月庚子朔。		

酉己	申戊	未丁	午丙	巳乙	辰甲	卯癸
三年。	二年。	惠帝元年。 名盈。○諱曰滿。○葬安陵。 是年閏月辛未朔。	十二年。	十一年。	十年。 是年閏月。	九年。
	七月。以曹參爲相國。	正月。始城長安西北方。	十月。太尉周勃誅陳轅定代地。○十一月。過魯。以太牢祠孔子。○下相國蕭何廷尉獄數日。敕出之。○四月帝崩。○(年五十二)太子盈卽位。○令郡國立高廟。	正月。韓王信伏誅。○二月。立王侯朝獻郡國口賦法。○詔郡國求遺賢。○六月。拜陸賈爲大中大夫。號其書曰新語。	周昌爲趙相。趙變爲御史大夫。	冬。遣劉敬使匈奴結和親。○十一月。徙齊楚大族豪傑於關中。○蕭何爲相國。
	蕭何卒於七月。	盧縮卒。○(年五十四。生於秦莊襄王三年甲寅)。 趙隱王如意卒。○(年十四。生於秦二世三年甲午)。	酈布卒於十二月。			淮南厲王長生。貫高卒。

戊庚	四年。 是年閏月甲申朔。	正月，舉民孝弟力田者復其身。○三月帝冠。○省法令妨吏民者。 ○除挾書律。○立原廟。	
亥辛	五年。	正月，城長安。九月，長安城成。	曹參卒於八月。謚曰懿。
子壬	六年。 是年閏月壬寅朔。	十月，以王陵爲右丞相，陳平爲左丞相。○周勃爲太尉。	張敖侯良卒。謚文成。
丑癸	七年。	八月帝崩。（年二十。）○九月，太子卽位。太后臨朝稱制。	
寅甲	呂太后元年。	十一月，太后以王陵爲帝太傅，陳平爲右丞相，審食其爲左丞相，任敖爲御史大夫。○正月，除三族罪妖言令。○二月，置孝弟力田二千石者一人。	
卯乙	二年。 是年閏月乙卯朔。	行八銖錢。文曰半兩。	呂王台卒於十一月。 恆山王不疑卒於七月。
辰丙	三年。		
巳丁	四年。	封女弟嫪爲臨光侯。○廢少帝幽殺之。五月，立恆山王義爲帝。更名弘。○以曹窋爲御史大夫。	

戊午	五年。 是年閏月。	初令戊卒歲更。○太后立武爲淮陽王。○行五分錢。	淮陽王穰卒於八月。
未己	六年。		
申庚	七年。	正月太后幽殺趙主友。	趙王恢卒於七月。 燕王建卒於九月。
酉辛	八年。 是年閏月庚辰朔。	七月太后崩。(年六十二)○九月誅諸呂。○諸大臣迎立代王恆。後九月至即位。誅呂后所名孝惠子弘等。	楚王交卒。諡曰元。
戌壬	文帝元年。 名恆。○諱恆曰常。改恆。 農曰宏農。○葬霸陵。	陳平爲左丞相。周勃爲右丞相。○十二月除收擊相坐律令。○三月詔定振窮養老之令。○封宋昌爲壯武侯。○八月周勃免。○召河南守吳公爲廷尉。以賈誼爲大中大夫。○大中大夫陸賈使南越。	
亥癸	二年。 是年閏月。	九月。初興郡守爲銅虎符竹使符。○十一月周勃復相。○是月晦日食。詔舉賢良方正能直言極諫者。○五月餘辨謗妖言法。	陳曲逆侯平卒於十月。諡曰獻。
子甲	三年。	丞相絳侯勃免就國。○灌嬰相。罷太尉官。○張釋之爲廷尉。	劉朱虛侯卒。(年二十四)。 審食其卒。 濟北王興居卒。

丑乙	寅丙	卯丁	辰戊	巳己	午庚	未辛	申壬
四年。	五年。 是年閏月辛亥朔。	六年。	七年。	八年。 是年閏月甲子朔。	九年。	十年。 是年閏月壬午朔。	十一年。
張蒼相。○賈誼爲長沙王太傅。○作順成廟。○下周勃獄。既而赦之。	四月。更造四銖錢。文曰半兩。除盜鑄令。	賈誼爲梁王太傅。	六月。未央宮東闕災。	夏。封淮南厲王子四人爲列侯。		十月。將軍薄昭有罪自殺。	匈奴寇狄道。○募民徙塞下。
灌嬰卒於十二月。		淮南厲王卒。(年二十五)。					周絳侯勃卒。 梁王梅卒。

庚辰	己卯	戊寅	丁丑	丙子	乙亥	甲戌	癸酉
三年。 是年閏月庚申朔。	二年。	後元年。	十六年。 是年閏月丁未朔。	十五年。	十四年。	十三年。 是年閏月。	十二年。
	八月。張蒼免申屠嘉相。	十月。新垣平伏誅。○詔議可以佐百姓者。	陰廟。令諸生作王制。○新垣平爲上大夫。○詔更以明年爲元年。治汾陰廟。	九月。親策賢良能直言極諫者。以體錯爲中大夫。○作涑陽五帝廟。	敎作徒魏尚。復爲雲中守。	二月。詔具親耕桑禮儀。○夏。除祕祝。○五月。除肉刑。	三月。除關無用傳。○詔民入粟于邊。得拜爵免罪。
			劉辟疆生。				賈長沙卒。(年三十三)。 江都易王非生。